

Go hlokofoala ga Tona ya Peleng Pravin Gordhan, Motseta wa Mogale wa Ditirelo tša Setšhaba

Tshwane, 13 Setemere 2024 - Lehono ke letšatši la manyami a magolo ka go hlokofoala ga yo a bego a ratega kudu, Tona ya Peleng Pravin Gordhan, yo a bego a tsebja ka “PG” go bontši bja rena, moetapele wa go tumišega yo dikabelo tša gagwe ka go Ditirelo tša Motšhelo tša Afrika Borwa (SARS) le setšhaba sa rena ba tla dulago ba di gopotše go fihla go melokoloko yeo e tlogo.

“Dikabelo tša Pravin Gordhan di ka ba di sa ka tša kwešišwa ka nnete le go thabelwa ke dimilione tša maAfrika Borwa. Go ba bangwe ba rena bao ba bilego le sebaka sa go šoma le yena ka bokgauswi, gape le go mo tseba, re ithutile gore e be e le monna yo a ikgafetšego go dira dikabelo ka go fetoša khwalithi ya bophelo bja maAfrika Borwa,” tše ke dikgopolo tša morago tša Khomišinare Ed Kieswetter ge Pravin Gordhan a be a thwalwa bjale ka Tona ya Ditšhelete ka 2009.

Bjale ka Khomišinare ya SARS go tloga ka 1999 – 2009, e be e le PG yo a tsentšego le go sepetša ebangendi ya gore SARS e tlhomilwe go direla Mošomo wa Boineelo wa go kgontšha mmušo go aga naga ya temokrasi ya bokgoni bja kgodišo ya ekonomi le tšwetšopele ya selegae go dikgatlhego le bophelo bja maAfrika Borwa ka moka. Ke yena yo a tsentšhego setheo tseleng yeo e sa ntšego e laetša le go re hlohleletša lehono gomme se se ntše so tla tšwelapele masome a mengwaga ye e tlogo. PG e be e ele, ntle le pelaelo, motho yo a akantšego le go bea motheo wa Motšhelo wa Sebjaebjale le Taolo ya Khasetomo.

Boetapele bja Pravin Gordhan le boikgafo bja go se fetofetoge go ditirelo tša setšhaba bo šile leswao la go bonagala go ponagalo ya naga ga ekonomi ya Afrika Borwa. Bjale ka moetapele yo bohlokwa ka SARS, o dirile dipholisi le diphetogo tše di maatlafaditšego setheo, ka go se fetošetša gore se be le ditirelo tša motšhelo tša go hlomphega lefaseng ka bophara. Mošomo wa gagwe o be o swailwe ka boikgafo bja go ya go ile bja potego, pušo e botse le maikarabelo, a kgonthiša gore SARS e ba maatla a kotse ya maphelo a ditšhelete tša setšhaba.

Go feta ka fao a bego a dira mošomo wa gagwe o mogolo ka SARS, o šomile ka Afrika Borwa ka tlhaho ya ditlhora ka boetapele bja go fapana, go akaretša mošomo wa Tona ya Ditšhelete, Tona ya Mmušo wa Mokopanelwa le Merero ya Setšo le Tona ya Dikgwebo tša Setšhaba, fao sebete sa gagwe le ponelopele di tlhahlilego naga mo dinakong tša ditlhohlo. Boikgafo bja gagwe bophelong bja gagwe ka moka bja go aga setšhaba sa paale le botshepegi go bohle bo tla tšwelapele go hlohleletša melokoloko yeo e tlogo ya bašomi ba mmušo le baetapele.

“Ke tla dula ke mo gopola bjale ka molwantšha kgethologanyo ya semorafe yo a ikgafetšego bophelo bja gagwego go katana le go kaonafatša maemo a bophelo bja maAfrika Borwa nakong yeo re bego re le ka gare ga ditharagano tša go thopšwa ga

mmušo, e be e le PG yo a emego ka bogale ntle le go fiega bakeng sa toka le tekatekano. O boletše ka sebete ka kgopolo ya go tsenelela gomme ga se a lebelele ditshenyagalelo tše kgolo kudu go yena le lapa la gagwe.” gwa bolela Khomišinare Kieswetter.

Re llela tahlegelo ya moratabalo wa nnete, molwantšha kgethologanyo ya semorafe gape moetapele wa molaodi wa paale. PG e be e le lerabele bophelong bja gagwe ka moka, mogale wa go katana ntweng, yo a kgatlhaneng le kgethologo ya semorafe ntle le bofiega, bohlabanelong bja setšhaba le mesepelong ya ditiragalo tša ka fase. Ka morago ga 1990 e be e le modulasetulo wa mmušo wa diphetogo le go ba karolo ya ditherišano tša CODESA. Bohwa bja gagwe bo tla tšwelapele go tlhahla SARS le Afrika Borwa ka hlomaro ya yona ya pušo ya boitshwarobotse le toka go merero ya ikonomi.

Re tla dula re mo gopotše gomme re rapelela mosadi wa gagwe Vanitha le barwedi ba gagwe Anisha le Priyesha, le maloko a mangwe a lapa le bagwera bao ba itemogetšego lerato le segwera, le go bohle bao maphelo a bona a kgwathilwego ke ketapele ya gagwe ya ponelopele le boikgafo bja tirelo ya setšhaba.

Afrika Borwa e tla dula e gopotše bodiredi bja gagwe bja boineelo le tirelo ya bophelo ka moka. Pravin Gordhan o dutše e le mogale wa toka go fihla mafelelong. Moya wa gagwe a o robale ka khutšo.

“Re a leboga, Pravin, and hamba kahle!”

Go hwetša tshedimošo enngwe, ikgokaganye SarsMedia@sars.gov.za